



**Consensus Veteris Et Moderni Papatus**

**Reck, Johann von der  
Monasterii Westphaliæ, 1722**

VIII. De Sacrificio, & Oratione pro mortuis.

---

[urn:nbn:de:hbz:466:1-68472](#)

V I I I.

De Sacrificio, & Oratione pro  
mortuis,

*S. Athanasius ad Antioch. q. 34.* Ita intelligimus peccatorum animas participare aliqua beneficentia, ac exanguis immolatione, & gratificatione pro ipsis facta.

*S. Cyrillus Hierosolymitans Cateches. Mystag. 5.* Denique pro omnibus oramus, qui inter nos vitâ functi sunt, maximum esse credentes animarum juvamen, pro quibus offertur precatio Sancti illius & tremendi, quod in altari positum est, Sacrificii.

*S. Dionysius Areopagita de Eccles. Hierarch. c. 7. par 3.* Accedens deinde venerandus Antistes, precem Sacram super mortuum peragit. Precatur oratio illa divinam clementiam, ut cuncta dimittat per infirmitatem humana-  
nam admissa peccata defuncto, cùmque in luce statuat, & regione vivorum.

S.

*S. Chrysostomus hom. 69. ad populum Antioch.* Non temerè ab Apostolis hæc fancita fuerunt, ut in tremendis mysteriis defunctorum agatur commemoratio: sciunt enim inde multum illis contingere lucrum, utilitatem mulcam.

*Item hom. 21. in acta Apost.* Non frustra oblationes pro defunctis fiunt, non frustra preces, non frustra eleemosynæ. Hæc omnia spiritus disposuit volens, ut nos mutuum juvemus.

*Et paulo post.* Ne dubita, quia erit aliquis fructus. Non frustra Diaconus clamat: pro his, qui defuncti sunt in Christo, & pro his, qui illorum memoriam faciunt.

*S. Isidorus lib. 1. de off. Divin. c. 18.* Nisi Catholica Ecclesia crederet, fidelibus defunctis dimitti peccata; non pro eorum spiritibus, vel eleemosynam faceret, vel Deo Sacrificium offerret.

*S. Augustinus in lib. de cura pro mortuis c. 1.* In Machabæorum libris legimus,

mus, oblatum pro mortuis Sacrificium. Sed & si nusquam in scripturis veteribus legeretur ; non parva est universæ Ecclesiæ , quæ in hac consuetudine claret, authoritas : ubi in precibus Sacerdotis , quæ Domino Deo ad ejus altare funduntur , locum suum habet etiam commendatio mortuorum.

*Item eodem lib. c. 4.* Non sunt prætermittendæ supplicationes pro Spiritibus mortuorum ; quas faciendas pro omnibus in Christiana , & Catholica societate defunctis , etiam tacitis noninibus quorumque , sub generali commemoratione suscepit Ecclesia.

## IX.

### De Invocatione Sanctorum.

Congregati in Consilio Chalcedonensi , anno 451. sexcenti triginta Patres , unâ voce dixerunt : FLAVIANUS POST MORTEM VIVIT , MARTYR PRO NOBIS ORET.

*Origenes lib. 2. in Job.* O Beate Job,  
vi-